

# Documenti ricacciati di à rivista di stampa di l'ADECEC

(<http://rivista.adecec.eu/index.php>)

## **Ricunniscenza : 19/01/2012**

A nociola di Cervioni è u limunone di Corsica sò in traccia d'esse ricunnisciuti da a cumissione europea pè ottene l'Indicazione geografica prutetta. Cusì, a so originalità serà assicurata in l'Europa sana.

## **Mercati corsi: 11/01/2012**

A Camera d'agricultura di Pumonte urganizeghja dui mercati in Aiacciu, corsu di u rè Jérôme è in Sagone, u 14 di ghjennaghju. Ci puderete cumprà frà altru i primi figatelli è altri prudutti corsi. Un altru mercatu hè previstu in Pruprià u 15.

## **Ghjurnata di a cicculata : 15/12/2011**

Eri, ci hè stata a prima ghjurnata di a cicculata in Bastia, è ghjè statu un successu cù animazione per i zitelli, attellu di cucina è a tastatura.

## **Zini : 1/12/2011**

Oghje, principia a pesca à i zini ma, pè avè i più boni, ci vole à aspettà chì a temperatura di u mare sia più freta. St'animale permette à i piscadori di guadagnà soldi l'invernu è i ristoradori aspettanu dinù a data di u primu di dicembre.

## **Simon Andrews : 9/11/2011**

A rivista Gault è Millau mette à l'onore u capucucinaru Simon Andrews di u ristorante aiaccinu "A Nepita", frà altri capucucinari. In u 2010, era statu digià premiatu.

## **Fiera di a mela : 28/10/2011**

Sabbatu è dumenica, ci serà a fiera di a mela in u paese di Tolla. L'occasione di tastà a renetta coltivata in a valle di u Prunelli, u suchju di mela, e cunfitture...

## **Prudutti corsi : 25/10/2011**

Nove pruduttori corsi è ripresentanti di a camera di cumerciu è d'industria anu presentatu prudutti corsi à a Suède pè e ghjurnate di a gastronomìa corsa. Prudutti chì sò piaciuti assai ma u prublema di l'espurtazione deverà esse risulutu s'è a Corsica vole fassi a so piazza in stu paese.

## **Vini : 21/10/2011**

U duminiu Pieretti in Capicorsu, face i so vini cù tecniche anziane è muderne. I lochi sò puliti è ci hè un cuntrollu precisu di a temperatura. Dunque, l'equipamentu garantisce a qualità di u vinu.

## **Corsica Gastronomia : 6/10/2011**

Dapoi 20 anni, esiste l'impresa Corsica Gastronomia in Sarrola Carcupinu è quì si fabricheghja cunfitture è terrine. Ghjè un'impresa umana chì prduce una quantità industriale, dunque sta scumessa di Charles Antona hè riesciuta.